

舌擊編

卷一

蘇氏知覺

PDG

高帝有言運籌帷幄決
勝千里古人言端固不鈍
於武士鋒端也余棄儒從
戎枕戈待旦者數載思挾
智謀之士與偕風塵中幸

未獲一遇雖藉尔牙死力
所向克有成功而後雖指
示之勞余亦樂於唇焦舌
敝矣今春三月觀察鷺門
幕賓沈栗山先生出所著

古摯手編以示余余觀其發
憤太息似賈長沙議論風
生如陳曰甫自山川要害民
俗馴悍以及用兵險易事後
考成敗靡不著燭照數計


而龜卜竊恨見先生晚值
早遇先生於宦海戎馬間安
在三寸之舌不強于十萬之
師哉余獨怪兵興以來白面
書生目不曾睹古以不能道

今一旦繫籍軍中轉瞬之間
雲蒸龍變者指不勝屈而
先生胸藏無數甲兵伏處
幕中卒不能自顯其光氣
今年過半而行將老矣他

日余或有事馳驅為問先生
伏櫪之餘猶有千里之志
乎先生當笑而起曰視吾
舌尚存是矣

咸寧己未六月阮堂

南海陳維漢題



往余讀鹿洲山人書深嘆
平臺一役左提右挈實出
陳少林藍玉霖兩奇士鯨
鯢就戮二子長揖歸田而
總督滿公總統藍公勒鼎

銘鐘勲業照天下未嘗不
私揶揄之謂彼因人成事
坐享其佳名者也咸豐七
年余以書記從軍溫陵新
知山陰沈栗山先生先生

出歷年佐軍稟牘勒為成
書自嫌紙上談兵無補於
世題之曰舌擊編余始讀
而弩目再讀而低眉則又
嘆少林玉霖之獲借杯澆

壘猶其幸附青雲恨不遂
起滿公藍公於前買絲繡
之而鑄金事之也夫三軍
之事謀勇交相須朱答語
楊珉曰諸君擊賊以舌答

惟以力此自為道謀無成
者下鍼砭耳若留侯兒撫
秦項鄴侯彈殘安史類皆
談笑指揮未嘗特將舌擊
蜀可少耶

國家太平日久，翮、裘帶之
夫類以不戰屈人為上策。
今先生舌雖敝而言之無
聽，縱以少林玉霖處此胸
有數萬甲兵，又出何道以

擊賊耶昔淮陰侯以背水
出奇不終朝破趙二十萬
衆用兵猶龍也而氣折於
廣武君李左車顏魯公以
平原遮賊復朝廷十七郡

用兵猶虎也而膽落於少
年李芻古人量愈大則其
心愈虛今之用兵求之古
未審何如然未聞草茅賤
士得進一議行一策者將

山海崇深原不煩求助於
細流土壤抑世乏駿骨持
千金走徧天下求如郭隗
者未獲一遇也假令起滿
公藍公於今日躬擐甲冑